

四庫全書

史部

欽定四庫全書

水道提綱卷十九

原任禮部侍郎齊召南撰

粵江中

黔即北江右江其上源有三一曰柳江一曰北盤江一

曰南盤江南北盤江之源尤遠

南北盤江自雲南霑益州東至廣西泗城

府把蘭村而合又東至柳州府來賓縣而會柳江又南至潯州府會鬱水

今序次先柳江

柳江出貴州永從縣西生苗山中

西八度極二十六度不知其源東南

流入縣西界經蘇洞北又東經平江村南

在黎平府西南百里

永從縣西百三十里曰福祿江又東南流入廣西懷遠縣西北

境西山營北界又東南百二十里至福祿村東又南

數十里至石門山口有水西北自永從西南境與苗

界之大洞合南來西山營水東南流百餘里經福祿

村西而東南來會

西山營有二一屬懷遠在西北一屬永從在東南黔粵地相錯如犬

牙此水則經永從之西山營北又東南流經標里村西擁委村東折

而東流經大灘村南又東南經良口村西至大岩村

西南又東南有二水一自北一自東北來會

北水出東北黃

王塘之界山其東北湖廣西北貴州及廣西三省交界塘東又生苗界也水西南流經朝天山北麓曲曲百十里至縣正北境有猛園村水自西北來會又西南數十里經寨從村東又南數十里經大岩村東又南會福祿江東北水自朝天山東南苗界流入西南經都天平膽二村北又西南流經林溪塘東馬鞍寨西又西南合東來之下余塘水曲曲七

水勢始盛又南

流稍東五十餘里經標口塘東又南分為二派一西

南流有小溪自西北境東南流合吼江來會

小溪出縣西北

二百五十里與生苗界天有村之西南大山東北流數十里折東南流有一水自西南來會又東流至猛

龍村之東南有一水西北自永從界之拱洞村來會  
又東南流百餘里有吼江西南自吼江村東北流來  
會又東南數十里經標口塘西又東南入  
福祿江西支津也 此水源流三百里 又西南而

南有支津相通一東南流受東北來一水又南與西

南支津通即懷遠縣北郊也一南流經縣城西一南

流經城東折而經城南而西復合又西南折而正南

有保江水自東北太保石牛二村來注之又西南流

有浪溪江自東南來注之

浪溪江出東南銅掌岩之西北山俗曰昌河西北流

曲曲百餘里入福祿江

又西南經西岸塘至融縣東北曰融江

有一水自西北合諸溪東南流來注之

水出縣西北二百餘里黃

口村西南大山東南流合北來二水又東南有通道鎮北三山合而東北流來會又東流受北來之大灣村水又東南有一水合二溪自西南來會又東北流折而東南經攬口堡東又南折而東北又東南流經刺利村南有一水自北來會又東南至融縣東北會融江此水源流三百里又南經縣城

東南稍西有水自西經城西南而東來注之正南流

有馬鞍山水及灣洞水自東南合數溪來注之又西

南流受西北來一水又西南至羅城縣東北境有水

西自縣城來注之

水出羅城縣西北山西北流經縣北雞拱山青陵山西麓三十里折

東流五十里又折東南流經中火堡  
西又折東北至青黃山麓入融江

折東南流俗曰

落澗河六十里經紗帽山東麓又東南有龍潭水東  
北自狗頭山來注之又南流四十里有馬泡水自東  
北來注之又西南經柳城舊縣村西又南折東南流  
至柳城縣城西北有古清河東北自轆頂山西南流  
合東來一溪經城西北而南來會南經城西而南有  
龍江西自慶遠府會貴州獨山州荔波縣及南丹河  
池思恩天河諸水東流來會亦巨川也

龍江上源出  
貴州都勻府

之南獨山州二源一出西南境豐寧上司之北山北  
流折而東北數十里至州南里蜡寨北有西涼羊角  
寨水自西山東流經州城西南折而南流十餘里來  
會又東南流折東北俗曰黑神河又東北數十里  
有木魚河南自唐懷寨來會又東北經村寨北又東  
北至爛土司北折東流有巴開河自南來會又東數  
十里經三角寨南又東入生苗界又自苗中折西南  
流入荔波縣東北界又西南流至縣東境徭排村東  
南有一水自村西北山來會又南有一水合四溪東  
自古州八萬徭山來會經火徭村北又西南受北來  
一水又西南經舊荔波縣西北又西南經堆村北又  
西南經寨橋村北又西南而勞村江北自荔波縣城  
來會勞村江出荔波縣北境稍東生苗中西南流  
入界經山洞北又西南經徭台村北又西南合北來  
一水又西合西來一水折南流經縣城東又南受西  
北來經城南一水又西南數十里受西北來一水折



東南流數十里與龍江會既會勞村江又南稍西  
經南丹州東北境有水西自州北境山合四溪東來  
注之折東南流經打狗村東又東南受東北來一潭  
水又東南經大山關受東北一水又有青雲溪西南  
自州西境之高峯坑東流經城南東北流合西北來  
之三寶山水又東北數十里來會又南流經猺家村  
西又東南經下川村東又折西南流受東北一水又  
西南經河池州東北境曰金城江經州北境四一山  
東麓折東南流二十里有紅盆水西南自州城來會  
紅盆水出南丹州西南那地州東北界之金雞寨  
山即青雲溪南隔山水也東北流七十里折而東南  
流經看馬村西又東南合東來一水又東南有貓溪  
自西來會又東南數十里經河池州城南又東南折  
而東北流受東南來之浪溪三水又北入龍江龍  
江既會紅盆水于州東北境又東南流受北來嘯山  
水又折南流經聖水山西麓又東南受西南一水折

而東流經思恩縣南境曰龍江有帶溪自北合數水  
經縣城西而南來會帶溪上源出古州八萬徭山  
之東北與生苗界山西南流八十里受北來二溪合  
為一水又西南曲曲百餘里有一水自東來會折而  
西流五十里受北一水又西而帶溪水北自二十索  
村之南東西二源合而南流來會又南流經洞馬村  
西又西南六十里有一水合二溪自西北來會又東  
南流經緹山修煉山西麓是為思恩東北境折而西  
南流經縣城西北又南五十餘里于白沙村之西南  
會龍江此水源流長五百里亦龍江東一源也龍  
江既會帶溪西曲東南流有修煉山東水有北來注  
之又東南經月山覃藏嶺北麓九十里經慶遠府治  
宜川縣西北境又東流經府城北又東至威家堡北  
有潭水自北來注之又東稍南有洛蒙江南自忻城  
縣北界之疊石山西北流合西來永定土司南水北  
流經府東南境合西來一溪又東北流來注之龍江

又東北流經烏藏村南又東北而天河縣水自西北來合東北羅城縣水南流來注之 天河水出縣西北山二大源合而東南流經三仙山東麓有三湖水自西來會又曲曲東南流有九龍泉自縣東北山西流折而北又折而西南來會于沖乾村之東北又東南經天河縣城西南又東南至文華山西麓受西南來日山水折東稍南數十里而羅城縣西南三溪合西南流來會亦龍潭水也又東南數十里至永順副土司之北岐為二支夾司左右而南受東來一水西流復合而入龍江龍江又南經羅村西又南折而東流曲曲經西山南麓又曲曲而東約百有餘里至柳城縣城西南而柳江自北來會以下總曰柳江 此水自源至合柳江處曲折已九百餘里受納羣流甚多實柳江西源也

柳城縣城西南

二水既合東流經城南曰柳江又東南流經柳江府

治馬平縣西北境有奕貴山水自北來洛滿鎮水自西來並會又東而南經府城西折而抱城南東三面又北流三十里折而東南龍壁山南麓又折而南經橫賴山西麓及桃竹山西南又折東南流經犁雍塘北又東北流

自柳平至此直經百餘里之間江曲折三百里

有洛清江北自

雜容縣東北承永福縣南分流合諸溪西南流來會

即黃源水之西南流一派也黃源見前離江下雜清江自永福縣城南分一支南流有大榕江東南自下邊山西北流合西來毛洞水曰丹竹江曲曲西北流又合東南來一大溪西南來一小溪而西北來會水

勢始盛折西南流六十里受西北來二水經太和山  
西又西南折而正南多石灘有石盤岩水自西北經  
常安鎮來注之又南經古羅塘西又南受西來之屏  
石山水又南有一水自東北來注之折西南流經先  
鋒墟北又西南至雄容縣東北大方塘之東有水北  
自樟嶺南流來會又有龍鼻江及平潭水自縣西北  
合東南流分為二支一東流經縣城北而東來先會  
折西南流經縣城東南又西南而龍鼻南流一支自  
城西南來會又西南折而南流又東南流為  
雄清江與柳江會 自永福至此三百餘里 又東流

折而東南經運江司西有一水自東南來合東北諸

水來會即象州北境也

東南水二源一出卧龍山之  
東南山西北流百餘里一出

竹踏山西北流與西南出龍殿山東北流者合而曲  
曲經馬鞍塘及大樂司西皆會西北流六十里其東

北天柱山水及石人山水合于南隘之  
又西南受東西南又西南來會又西四十里入柳江

南來一水

水二源一出南山西北流一出嶽山巨澤東北流合而折西北流入柳江

又南

至州北有水南自天益山東北流經州東而西北來注之又西南經州城西北而南又西南有穿山堡北水西自山中東南流百五十里來注之又南至天益山西南麓紅水西南自來賓縣來會俗曰都泥江即兩盤江也 既會盤江南流稍西折而東南經武宣縣西南又東南經潯州府治桂平縣西北境又東至府

城北二十里岐為二一南流經城東而鬱江自西南

至城東南來會一東北流二十里折而東而前會鬱

江支津並東北流來會

自會都泥後所受諸水見後

又東南至梧

州府城西南會北來之桂江

北盤江即烏泥江亦曰紅水河其上源雲南貴州之可

渡河所謂盤江者也

源出雲南霑益州北境為滇

黔川三省之界

西北四川界東北貴州大定府威寧州西南界也西十二度五分強極二

十二度四分新霑益州北二百四十里

地曰倘塘驛西北山有水東北

流

隔山西南即車洪江西南出嵩明州尋向州東北流至山麓折而西北入四川界注金沙江者數

十里曲曲而東

北岸貴州威寧州西南之九擦汎界南岸雲南舊需益石龍山北百里

經可渡橋又數十里東北流受東北來結里汎南山

水

即威寧州東南境水西南流來會

折東南流數十里入貴州界曰

可渡河

自源至此曲折已二百里

折東北流受東南來一水又東

北受東北來一水

即結里汎東山水也威寧州即古烏撒地汎在州東南

又折

東流至大山而伏又東南二十餘里出山東南流曰

天生橋

大山數重水伏流其下復出在威寧州東南百六十餘里

南數十里有一



水自西來會又東經黑騰汎南又東南受東北來一

水又東經北怯汎南又東南經安南縣北境有拖長

江西南自普安州西南界之平夷所東北曲曲流經

州城北又東經普安安南二縣北境而東來會

長江出

普安州西南百里與雲南平彝縣界處之平夷所北  
山其西即滇南勝境入滇之孔道也水東南流經亦  
資孔驛南折而北經大山中又北合西南來一水又  
北經毛政營西折東北流數十里折而東經州北境  
有海子鋪北水自西南來會折東南流七十里至州  
東境之軟橋驛西南而州城南北二水自西合而來  
會又東流經普安縣西境又東北至大山而伏曰天  
生橋縣北二十里也東北流出有縣溪自縣城東合

二水北流來會又東北有猪場河自西北山合二水  
東南流百六十里來會又東流經安南縣北境有西  
安河西南自江西坡驛南山東北流百餘里始曰盤  
來會又東流入盤江此水曲折行四百里

江又東南經永寧州西境即安南之東界折而南流經盤江

營東又南折而東十餘里又折而南而西南流三十

里有阿黑河合馬京河西北自安南縣東境來注之

又南數里折東南流有馬軍河南自南籠府新城北

東流折而北百五十里來注之馬軍河出新城西北山東流經城北又東

數十里折東北而北經高伍塘及安姑之東又北流注盤江又東稍北二十里折

東南流三十里有寧谷河自東北安順府會西南鎮

寧水寧三州諸水西南流來會寧谷河二源出安順府治善定縣東北境

山南流至府城東有一小溪自東北來會又南至城東南而西源出西玉山東北麓者東南流經城而南

來會西玉山西北麓即三空河源北流而西既合

東南流經五官屯西至寧谷寨東折而西南經羣山

中百八十里至寧谷司西北折西流五十里有白水

河北自鎮寧州城之南西北流十餘里折而西流合

北來一水折東南流三十里合東來之王二河又南

流有霸陵河西自永寧州北境山東南流合州東

北關嶺驛水而東南來會又南折西南流有州東二

水合而東南來會又南流五十里會寧谷河寧谷

河既會二州水又西盤江又南數十里經南籠府東

南六十餘里入盤江

北境又東南曲曲數十里經康莊司西南境有岩下

河東北自岩頂山西南流百餘里合東來一水而南

來注之又南入生苗界有魯溝河自西安籠鎮之西

北木舌寨山東流來注之

生苗中不知受合幾水惟木舌寨水自南籠西北七

十里山東北流百餘里曰魯溝河入苗界則可知者也魯溝之南五十里即安籠城城東北有大澤東西

數十自生苗界東南流入廣西泗城府北境把蘭村里

之東北界又東折而南流受東來一水又南受西北

來一水

即把蘭村東水也

俗曰盤江河又南而南盤江曰紅

水江自西南西隆州來會

會處在泗城府治陵雲縣北稍西百五十里把蘭村

東南二十里西十度四分極二十四度八分北盤江自源至此九百餘里

南盤江即紅水江亦曰八達河源出雲南新霑益州西

北三十里之花山

西十二度七分極二十五度七分花山北去北盤江源二百四十里

花山西北即尋甸東北流之車洪江也 霑益為兩盤江源其地勢甚高而舊州在東北二百里有一水

自西南而東北經舊州東石龍山西左右各受一水又東北數十里而伏又北踰大山數重與貴州界則

北盤江也東南流二十餘里至松林驛西南折正南流又

西南流十餘里又南流折而東南經州城北而東折

東南流經州東境南二十里有磨刀溪自西來會

磨刀

溪即馬龍州北境山水東流曲曲經曲靖府治南寧縣北境新霑益州南境與北盤江會實北盤江南源

也又西南經曲靖府治南寧縣東境稍南有水西南

自府城來會

即府南一溪出西南山者

又曲曲而南七十里經廢

越州西又曲曲南流百三十里經陸涼州東南境湖

澤中有一水自南來會

水出州南山東北流經薛官堡西又東北與盤江會

自

湖西流經州城南中有大灘又西南流曰八達河六

十餘里折西北流七十里亦曰赤江河折西南流至

宜良縣東北有楊宗海水自西來會又縣北小水亦

自西來注之

楊宗海在宜良縣西境稍南之楊宗廢縣北有巨湖濶十里南北長三十里自

北流出折而東經縣北境又東南會盤江城北一水出西境東流經城北而東來並會

又東

南流至縣東南境曰八達河折西南流經路南州西

境稍南經化所村西又西南折而南而東南經澂江

府治河陽縣東境過席家渡又東南五十里有白龍

潭水東北自路南州西南流來會於烏哥崙之西北

白龍潭在路南州東北山西南流有黑龍潭水自東來會經州城東又西南百餘里會八達河又西

南流經黑村東又西有仙湖受江川縣水西北自府

城東南流來會

仙湖在澂江府城南濶三十里南北長五十餘里其上游則南稍西江川

縣水也

江川縣水出縣西境東流至城南豬為湖

東西數里南北二十餘里曰應星河形如懸瓠自腰

東流出至縣東五里又豬為湖愈濶而北即仙湖也

仙湖西岸夫山及黑龍潭又西即晉寧縣境其水皆

北入滇池者仙湖經澂江府城南有梁王河北自城

西南來又有東河自東北經城東來並會湖東岸有

烏乍山自東南流出八十里入

達河澂江府地亦大分水嶺也

又南經彌勒州西

境寧州東北境受西來分水嶺水

即寧州東北山水

又南曲

曲經寧州東南之舊甸東有小曲江自西合新興嶺



城河西通海四縣及寧州水東流來會

小曲江出新興縣北山二

源一南流一西南流而合經古北城之西北其源北山之北即昆陽州境水皆北入滇池者小曲江自古北城西南流至新興縣城北有一水自東南來會又西南曲曲七十里經嵯峨縣北境有水自西來會折東南流四十里經縣城東北又東南而老魯關水自西南經城南而東來會始曰曲江又東流折東南流至河西縣西南境受西來一水又東南數十里經兩山間折而南流經通海縣西南境數十里又東南至曲江驛南折東北流六十里至縣東南境之老丁庄北又折而東流經寧州南境有婆兮江自州東北之分水嶺西南流經州東合州西之瓜水而西南流來會即通海湖水泛溢亦由瓜水來會曲江又東流數十里折而東北至舊甸南東入盤江通海縣北有湖受縣西山水又受西北河西縣南一水及縣西北

曲陀關水匯而成湖南北二十里自西南而東北至  
甸並關南長四十餘里與寧州西之瓜水相近 曲

江源流四  
百餘里

又東南曲五十里有水東北自彌勒州

來會

彌勒州東北三水一東北出廣西府西北境瀘  
源洞西山西南流六十里一東出府西南山與

府南矣邦池相近西南流四十里一出州西北山東  
南流三十里至州城東北會焉經城東南又西南流  
百里經竹園西又西南百里入盤江 矣邦池在  
廣西府南其源曰府東龍泉府西蘆泉二水不涸 又

東南百餘里經阿迷州北境稍東有樂蒙河西南自

臨安府治建水縣西受石屏州之異龍湖水東流經

州城東南折而東北來會

樂蒙河上源出石屏州西  
北寶秀鄉北山東南流經

州西南亦曰曲江又東南而北潞為巨澤廣長三十餘里曰異龍湖自東南流出曰瀘江河又東南流六十里經臨安府城南又東折東北流有象沖河自南山北流來會曰樂蒙河又東北至岩洞而伏又東流出經樣田塘南又東南流三十里至燕子洞而伏阿迷州西南境也又東流出折東北流五十里經州城東南有一水東南自南洞來會折西北流經城東北又西北十餘里折東北流四十里入盤江此水源流三百餘里兩伏于大山下復出亦天生橋也

盤江既會樂蒙河折東北流

六十餘里又折而北有一水自東南來注之又北三

十里折東北流而又北曲曲百三十里經江邊塘東

有一水自東來注之地曰小江口

西北去竹園六十餘里彌勒州之東

南境廣西府之西南境也 又西北受西南來一水又西北折而東

北經廣西府之南境及廣南府之西北境凡曲曲二

百八十里有清水河自西南來會清水河出邱北汎二源一出汎南山

東北流一出西北山東南流合而又東北至廣西

隆州極西界東北廣西而西岸為雲南界有馬別河南自開化府

北山東北流經廣南府西北境又折而西北流來會

馬別河出開化府北境山東流經法土奄北折東北

流有江那汎南水自西來會又北流曲曲百餘里有  
維摩塘南水自西來會又西北受西來一水折東北  
流經衣落寨及彌勒灣東又東北百餘里至廣南府

西境之馬別塘北曰馬別河有者種河自東來會又北流曲曲百三十里至廣西界折而西北流入盤江

此水源流四百餘里又西北曲曲流為兩省之界八十餘里

北至羅平州東南境之可渡河東廣西界西雲南界折東北流

可渡在羅平州東南六十里盤江之名為可渡河以此也二十里至新寨折而東

流為三省之界自水西北為雲南東岸為貴州南麓府西南捧鮮汛上江界水南岸為廣

西西隆州西北界有九龍河西北自羅平州西會師宗州蛇

場河北會霑益州東北山水平彝縣水及貴州平夷

所水南流而東南為上江來會九龍河二大源南源出師宗州北境陸涼

州東北境大山西南流經得勒坡南蛇場村北折而南流受西北一水折東南流曰蛇場河又東經師宗州東北境百餘里折東流經羅平州北境曰九龍河又東九十里其西北源自北來會西北源更遠出新霑益州東北二十里山中其西去南盤江僅三十里此水東流三十里經腰站南又東流經平彝縣西北之涼水井南又東折東南流經縣城西南其城東十里即滇南勝境入滇之孔道也自城又東南流百六十里有一水東北自貴州普安州西南界平夷所之南東南沿界流四十里折而正南入雲南平彝縣北境四十里又合一東來水而西南流來會平夷所亦分水嶺也二水既合又南經亦佐廢縣西又南流曲曲百二十里有恩勒村水自西經羅平州北境來會又東南與九龍河會兩源既合於羅平州東境又東南九十里至江底村北東與一水自北來者會折西南流為滇黔二省之界經捧鮮汎西又西南有

水曰上江東自汎南山西南流來會又西南當三省  
交界處入盤江 此水自霑益至上江曲折幾五百

里 又東南折而東為黔廣二省之界 北岸貴州南麓  
府地南岸廣西

西隆  
州地 稍東北有中江自北來注之 出捧鮮汎東南山  
者東南流注之

稍東有下江自東北來注之 出麓戛北山者  
西南流來注之 又東南

流有水合三溪自南來注之 出西隆州西境山三  
溪合而北流入盤江 又

東南六十里全入廣西西隆州西北界自此以上總

曰八達河至界曰紅水江折正東流百二十里有清

水河自西南來注之 清水河出雲南廣南府北境分  
水嶺之北山二源一東南流一

東北流合而東四十里入西隆州西南界又東  
北流經膽鼻塘西又東北數十里入紅水江 又東

北流二十里有馬別河西北自貴州合深溪木郎諸

水南流經南籠府境東合都威河而東南來會

馬別河上

源曰深溪河出普安州南境山東流經歸順營南又  
東南六十里有一水自西來會又東南四十里有阿  
希河東北自普安縣東南山西南流百里來會正南  
流百三十里曰深溪河有木郎河出普安州南界山  
東南流經狗場營西即雲南羅平州東北界之黃泥  
河也又東南流合西來沙營北水又東南流來會既  
合二水又東南流經南籠府西境二百里曰馬別河  
又東南入廣西西隆州界二十里有都威河東北自  
南籠府西山南流經馬鞭塘及甲寨東又西南流數  
十里入西隆州界三十里來會又南稍東三十餘里



入紅水江 此水源流四百里

又東南受南一水折東稍北流六十

里經西隆州北境板朋塘南有水南自州城來注之

水出州東南山西北流經州城南而西有一溪自南來會又北經州西而西北又有一溪自西來會折東

北流折東南流二十里有水西北自貴州界來會水出

南麓府安麓鎮南山東南流經石門坎北又東南五十里當生苗界處入廣西界又三十里經牛壩東又

東南八十里入紅水江 又東南流六十里有水自西南來注之

西隆州東南水也自山北流合東來一水折東北流折西流又合西南一水東北流入紅水江

四十里至百樂寨西北有水東來注之又北流五十

里有馬壩水自西北來注之

馬壩在牛壩東八十餘里

又東北流

折而東經泗城府西北境凡一百里至把蘭村南境而

北盤江自北來會

南盤江自霑益至此會曲靖潯江臨安廣西四府霑益陸涼宜良路

南江川新興通海寧州彌勒石屏阿迷師宗羅平平彝諸州縣之水曲折已八百里容受衆流較北盤江勢數倍

兩盤江既合總稱曰紅水河東南流有一水自南合二

溪來注之又東流有水自東北藁村合一溪西南流

來注之

藁村水出北與苗界山南流經村西又南而西南流有水東北自何旺村西南山來會又

西南入紅水河又東南折而東北數十里又東南流折而東

經上隆村南又東曲曲經東蘭州北境折東北又東

南流至州東北境雙鳳山北麓福山南麓又東北流

百里經那地州西北境有拱村水自西北苗界東南

流合二水來注之又折東南至州西有二水東自州

城左右西流來會一出州東北山西南流經城東折而抱城南一出州北山合二澗東

南流數十里經州西而南與會又西流入紅水河又折西南流二十里東流

三十里有一水自東北來注之水出那地州東北都利山兩澗合西南流

經常坡嶺西又南八十里至州東南境有龍泉水東  
自折登山來會又西南流經思河村南西入紅水河

南流曲曲經舊都陽司東又東南流曰烏泥江至山

麓又折東南流經三旺司西又曲曲而南經舊東蘭

州東折西南至北荷山東麓有一水自西南來注之

水出東蘭州東南境山二源合東流有一溪自南徭  
山西北流來經銀海地之西來會又東北百餘里入

烏泥江又南流經都彝山西麓又南流折東南經十八

鶴山東麓又東南有水自東北來注之又東南經徭

山中百餘里有水自西合二溪來注之又東南經思

恩府西北境折東北而東經安定土司南

可東西俱有水南流

各瀦為小湖在北岸

又東南流有蘆江南自鷄籠山北流合西

七首水東北流來會

雞籠山在思恩府西北二十餘里其南水皆南注右江而蘆江

自山北北流經興隆司西又東北經白土司西又北流有七首水西自七首山東流合南一溪來會又東

北入烏泥江

又東北流受北來刀房隘水

水出猺山兩源至隘南而合南

流又折而西南百餘里入烏泥江

又東北經大明山北麓北受一水

又東北經忻城縣西南境有那龍江刁江西北自那

地州東南合諸水三百餘里來會

即永順正土司北水也上源曰刁江

三源一西北出那地州東南境地黃村西之福山東  
南流經三旺司東與隔山烏泥江相去二十里耳又  
東南流其西南二源一出隘崗之北都彝山東北流  
其隔山去烏泥江不過十餘里也一出隘峒東南北  
流數十里而合又北合西來真武山水又東北與西  
北源會而東流曰刁江有那龍江北自河池州南境  
之振人山南流經馬鞍山東又南來會又東南流受  
西南一水折東北流受南來一水又東北受東南一  
水又東北受北來清達山水又東經永順正土司北  
折東南流受東北柱藤村水又東南流百里經猺巢  
西折而東而東南流受西北來七星山水又東南經  
忻城縣西境有彝江自西北猺山合兩源東南流來  
會又東南受北一小水又東南入烏泥江

**又東流數十里有龍塘江東北**

**自縣城來會**

龍塘江出忻城縣西北境宜川縣西南  
境之猺山東南流百里經忻城西北境

受東北來黃泥岡水又東南流經縣城西南又南而  
一溪東北自青潭岡西南流經縣城東南而西來會  
又西南數十  
里入烏泥江 又東南受西南來一水又東南曲曲百

餘里經邊江縣西北境有木托村水自東北來注之

又南流受西南一水折東南流經縣北有青水江南

自縣東合西南上林縣賓州諸水北流來會

青水江合二大

水一出上林縣北百八十里之思隣山三澗合而南  
流在三叫司東又南會東北一水南流經橋賢壩西  
南十餘里又南曰周江流數十里有里仁江西北自  
茶山來會又東南流至縣城西北會西來一水東經  
城北曰周利江有城東一水自南來會又東有七龍  
江自南來會又東稍折而南又東曰黃龍江有羅洪

洞水自北來合西雲搖村水東南流來會折東南流  
經思攬村西曰思攬江經賓州北境有樊廟江西南  
自金雞山合南來黃庚山水東北流來會又東南流  
至州東北境一出賓州南境曰武陵江二源一於  
嶺方山東北流一於武羅司東北流而合又東北有  
鎮龍水東南自鎮龍山來會又東北經仰渡山東又  
東北有黃陵川自東來會折西北流曰李依江經州  
東境白羊山東又西折而北流經州東北之雞鳴嶺  
東又北有臨浦江自州西南合螺江北流經州西又  
折而東經州北來會又北流與上林縣思攬江會東  
北流有龍溪自東南來注之又北流經遷江縣南境  
有黑洞岩水自西北來注之又北經龍降村東又北  
經縣城東又北會烏泥又東北經文輝塔甲山南鴉  
江此水源流四百里

羅堡北又東北折東南至來賓縣西境受南來石牙



山西水又東經縣城南有石牙山東水自南來注之  
折東北流有思玉山湖水自西北經城東來會又東  
北中有石灘北流有定清水西北自雙泉山東南流

注之

此水與玉山  
湖水源甚近

又東北流至象州西南境而柳江

自州西而西南來會自此而下總名曰都泥江亦曰

左江

自把蘭村兩盤江合處  
至此又一千四百餘里

折西南流又折而東經

武宣縣西北境受西南來大祿山水又東受東北來

陰江水

水二源自縣北境合  
而西流南注都泥江

又東南至縣城西北有

新江自東北山西南流經城北而西來注之

新江二源一出

北倉帽山南流二十里又一出東金龍山南經城西  
西流合而西南經城北而西入都泥江

有賈利山水自西南來注之折東經城南又東南流

有東山水自東合二溪西流來注之又東南受西南

來一水

一出仙岩山北流一出居松山  
東流而合東北流入都泥江

又東流經碁

石山北勒馬山南又東南流經潯州府治桂平縣西

北境碧灘塘之南又折東北流受北來花雷村及東

北大藤峽二水又東南流至府北二十里分為二派

一南流經府城東北又東南會西南來之鬱江

在府城東

南一東北流二十里受西北來金珠嶺水折東南流

而前一派會鬱江者自西南而東北流四十里來會

在潯

州府東北境四十里曰大黃江司

黔江既會鬱江水勢愈盛自此

以下總曰潯江又東南流有相思江北自秦川司來

注之中有巨洲又東南經平南縣西境有乾江自南

來注之又東南有烏江自北合二水來注之又東南

經縣城西南又東南受北來城東羅沖塘水又有秦

江自東北來注之又東南流曰龔江有白沙江合諸

水自西南來注之

白沙江出容縣北界之摩雲嶺二水合而東北流經太沖墟西北又

東北有火烏河自東南山西北流經火烏墟而西北來會又有湖水自西北來會中有綠水洲又東北流

入潯

稍北有白馬江東北自撫羊山西南流來注之

又東經白馬塘南又東經藤縣西境有蒙江北自永

安州合數水南流來會

蒙江三源一出永安州北與荔浦縣南界天門山通天嶺

嶺東水即荔水東北入桂江者此水自西北麓兩澗合西南流數十里有古角山北水自東來會又西南有一水自北合二溪來會南流又西合一小溪折東流曰冷柑水又東折而東南經州城西而南又合西

來一水折東南流又折而南經三石山東麓曰眉江  
受東南來一水即泥蛟水也又西南流有大樟水西  
南自百餘里外山合兩溪東北流至州西境合西來  
一水折東南流數十里來會又南流受西北一小水  
又東南流經古花山西麓又東南有松栢山水自東  
北合東南一水西南流來會曰牛皮江又南有大同  
江自西北大同司前合左右二水東南流百四十里  
來會又東南流經六爻山東麓又南入潯江此水  
源流四  
又東流中有巨灘即藤縣西南境折東北流經藤縣  
百里

城西又東北有四培江自北來注之

四培江東北出李白岩兩水合

西南流又合一北來水又西南折而南經登禺山東麓又東南流入潯江

又有劍江自縣

城東會南來北流容縣岑溪三縣之水至縣北來會

劍江上源曰崑崙水出北流縣東南與廣東界之峩 石山雙威山北流數十里合東來一溪又北合西南 來蕭韶山水又東北流折而西北有西崑崙水自西 南合西金坊山水東北流來會又北流受東來一水 折西北流受西來登高山水又北流經天塘山西麓 折西北流經黃箭山北麓至縣東南境曰沿龍江折 東北流又正北至縣東有縣南溪西自城南合東一 水來會即獅子岩水也又北經靈臺山西麓受西北 來一水又東北曰沿龍江口又東北至容縣西南境 有綠藍水自北金牛嶺南流來會又東北經容縣城 東南有天塘山水自南而北經石羊山溫泉之東曲 曲百數十里來會稍北有水自東北來經城東而南 來注之又東北有南渡江自南大山合二溪經石梯 山曇平山鳳凰山將軍山北流受東來通天嶺水又 北至南渡司之東受東北一水折西南流經司南又 西南經李村及六王司南有六洞司水南自石梯西	水道提綱 三五
--	------------

麓合數水北流折而東北來會折西北流入劔江至此曰思登河又東北流分為二派一正北流經山來嶺下至竇家司東勾刀山西折而東北有繡江西南自大榕山摩雲嶺東北流來會又東北至都榜嶺南麓一東流經獨竹嶺下數十里至岑溪縣西境有龍底江二源一自縣東與廣東界山西流曰龍潭合東北二水一自縣南鳳凰山東麓北流合東一水合焉西經城南而西稍北來會又北流經勾刀山東麓曰皇華江又東北有義昌江東南自腰鵞嶺及周公山水西流經羅洞墟北黃塘村南而西來會又北至都榜嶺南二派復合又東北流數十里經藤縣南境折正北曲曲流曰劔江又北經城東而北折稍西入潯江此水自崑崙水源至此六百餘里亦又東北流巨川也藤縣西潯江東劔江至北而合

經龍潭南為梧州府治蒼梧縣西境折東流又東南

有牛嶺水自南來合數溪北來注之有東南折而東

北有長行江南自長行司北流合西一小水經澤山

折而東北來注之江中有巨洲又東至梧州府城西

南而離水桂江北自昭平縣南流經城西而南來會

於高望村之東得江自黔鬱左右二水會處至此又四百餘里於是廣西一

省之水俱合東南流經府城南蘇山北又東過伏虎

岩南而東入廣東界自入廣東肇慶至廣州府會湏江龍川江南入海見後文



水道提綱卷十九

欽定四庫全書

史部

水道提綱卷

二十一至  
二十二

詳校官監察御史

臣王爾烈

刑部郎中

臣

許兆椿覆勘

總校官知縣

臣

楊懋珩

校對官中書

臣

陸湘

謄錄監生

臣

施華

欽定四庫全書

水道提綱卷二十

原任禮部侍郎齊召南撰

粵江下

鬱江即廣西左江亦曰南江上源有二北源出雲南廣南府曰西洋江南源出歸順州及安南境水曰麗江至南寧府之西合江鎮而會為鬱江

西洋江亦曰南盤江古夜郎豚水也源出雲南廣南府

治寶寧縣西北六十里者兔塘之西南山

西十一度六分極二

十四度三分 此山之西北山即者種河源西流折而北為馬別河入八達河者

東北流折

而東經塘西北又折而東南曲曲數十里至府西境

有松木嶺水自北來又有一水自東北山西南經府

城西北來並會南流合西北來一水又東南有紅石

店水自西北合二溪東南流來會

紅石店北至者兔塘僅二十里

又

東南流曰西洋江數十里受西南來一水又東流至

廣西界

廣南府東南九十里其東為廣西西林縣西南界

受西南來一水稍

東北曲流為兩省之界一百五十里南岸為雲南廣南府東南

境土富州之北境北岸至西寧村北土富州北境有同舍為廣西西林縣南境

河西北自西林縣城合諸水南流來會同舍河兩源一出廣南府

東山二澗合流而北而東北入廣西界剝貫村東一出廣南府北境山二澗合流而東入廣西界經剝貫村北又東會馬即西林縣西境也又東北流數十里受西南一水東流折東南流經縣北境曰同舍河有一水自西北來會曰馱娘江又東南流有一水東北自西隆州南山南流合三溪來會又南流經縣城東有馱門河西自廣南府東南山合二溪西北流入界而東南經縣城南合西南來之涑馱河而東來會折東流又東稍北經八渡站北受西南來一水折東南流又受東北那個村水經者達村西又東南流四

十里入折東南流經百約村西自北東岸廣西受西西岸雲南分界

來西寧村水又東南經別隘北土富州有剝江自西東北界

南來注之剝江出土富州東北山兩源合東南流又合西南來一水折東北流入西洋江

東南有者郎河西南自土富州城東北流合諸水來

會者郎河二源一出土富州西北山東南流一出西

歸朝村北又東流至平洋村北有廣西歸順土州西

北境水曰小鎮安溪曰下勞村溪自西南來合而東

北曰那旺村水曰東水自東南來合而西北會焉東

北流來會又東北至那洞北受東南一水又東北經

那萬西又東北至兩省界處入又東入廣西界又東

西洋江此水源流三百里

北流經泗城府南境鎮安府南境折東南流經土萇

村北又東北經剝色埠東南有一水北自泗城府東

南流合西數水來會

泗城府水有二俱出北境大山一西南流一東南流至府城南

而合又東南流折而西南曲曲經入弗村西官村東  
又東流經茶亭坡北又南折西南流有供村北山二  
水合西南流受西來一水折東南流受北來佳甸站  
水又東南經大琵琶塘喜村南又東南至飯樂營之北  
來會又東南數十里入西洋江此水源  
流三百餘里泗城北山西山諸水畢會

又東經砦

馬塘南又東南經奉議州北境田州城南有水自北

經城東來會即那碧橋也

水出田州北山東南流合東北一水又東南流折而

西南經州城東  
又南入西洋江

又東南經淶濃塘西又東南有水西

自奉議州來會

水自奉議州西南山二澗合東南流經州南境那蒲村南又東流有砦例

村水自南合三水北流來會又東北入西洋江

又東南經上林縣西北境榕

樹塘南

南岸皆大山

又東南經縣城東北又東南有泓淪

江西自鎮安府城東流合向武都康諸州水東北流

經縣南來會

泓淪江出鎮安府北百六十里坡豆村南山之麓有湖東南南曲曲流二十里有

二溪北自山中合而南流來會又南數十里合西來一水又東南經定祿村南合北來一水又東南合東

北來一水折西南南流合西北來府北湖水又南經府東有水自府西境一湖東流數十里折南流復東合



北一小水東經府城南而東來會又東流北受一水  
南受西南來二溪水又東百里過吾峒村南又東經  
向武州北境有湖水自南來注之又東稍北有一水  
西南自上映土州之北匯西北來一溪為巨澤合南  
來二溪東北流經都康州西北又西合一溪又北經  
向武州東境而北有一溪自西來會又東北入忍滄  
江又東北流經信倫州北境又東北至上林縣西南  
境受北一小水又東北折東流經縣城南又東入西  
洋江此水源  
流四百餘里又東南流受北來合三溪水又南經

定西村北受北一小水又東南受北一小水又東南  
至隆安縣北境北受歸德土州西水西南有一水合  
二溪來會又東歸德土州東水自東北來注之折而

之南而西南又折東流經縣城北而東有淶水江南

自城東西南會沛水來注之

沛水出都結州西山東流經城南又東合西南

來一水東經芭苗村北曰淶水江折東北流至隆安縣南境合西南來一水又東北流經縣城東南又北

入西又東稍南有都陽土司水自北來又有龍牀江

自西南來並會

龍牀江出萬承土州東南山東北流經禁口村北又東北經永康州西北

境之橫山嶺又北流受西南來一小水又北折東北流經隆安縣東境受東南來一水又東北入西洋江

又東流有那感水自北合潭水南流來注之

那感水出歸德

土司北境舊城土司之嶺下有巨潭東南流數十里受東北來一水曰慕烏溪折西南流經都陽土司東

有潭水自東來會又南折南流而東南曲曲西受芭  
流數十里入西洋江

僕山水又東南折而西南有尙慮江自北合一水西

南來注之又東南經永康州北境有馱蒙江東北自思

恩府南經武緣縣合南流江諸水西南流來會馱蒙  
江出

思恩府西北雞麓山黃泥嶺東麓二澗合南流經府  
城西又南而東境之白花山自城東南西流來會又

西南流有那馬王司北山水三源合流自王司東東  
南流至雞麓山西麓合山水西南流與西來定羅土

司北之琵琶山水會又西南折東南流分為二派一東  
流會馱蒙江馱蒙江又南流經武緣縣城東南有南

流江東北自府東境山二源合南流而東南南合東一  
水折西南八十里合東北來二水又西流北合西陵

山水又西合北一小水而西來會馱蒙江既會南流江西流過縣城南而那馬司水之支津南流者自縣城西來會又西南受南來二溪一水又西南流曰靈水有一溪自北來注之又西南入西洋江那馬司及南流江源流俱三百餘里而那馬水至雞籠山黃泥嶺南流似與山北興隆司之蘆江北流入烏泥江者相通

西洋江至此曰右江以在麗江之北也又東南永康州水西北自橫山嶺東南流合一水經州城南而東來注之又東南六十里至南寧府治宣化縣西境之合江鎮東南白沙塘西而左江西南自新寧州東北流曲曲經鎮西而東南來會

右江自廣南府者兔塘至合江鎮曲折行

千餘里

麗江即左江有南北二源 北源即龍潭水出歸順州

北有二巨潭水東南流東北一水來會

西十度四分  
極二十三度

三分鎮安府  
西南九十里

南流經州城東又南折東南流經吞墓

村西又東南有潭水西自空村來會

潭在州南稍西  
二十餘里空村

之東東南流折而東又二  
十里來會亦龍潭水也

又東南五十里出峩魯隘

東口經交趾高平府界地四十餘里又東南流入平

雷州西界經災平隘南又東南經州南境受西南一

小水又東南有駁來水合流珠水北自州城東而南

來會

駁來水二源出鎮安府東南境山合東南流至平雷州西北之湖澗寨西有流珠水自西北龍

潭東南流合北來之馱馬澗水南經寨西南來會又東南經州北受東北來一水折南流經州城東又南數十里受東山一水又南入麗江又東南百里經安平州城北折東

南有水西自城南來會

水出安平州西與交趾界之四獻隘二澗合東南流經底

馳隘南又東南有多烈隘水自西南來會又東北流八十餘里經州城南又東稍北入麗江又東北

流有龍英州水自西北百餘里來會又東北折東南

流經太平州北稍東有龍水北自養利州合東北萬

承州西北茗盈州二水南流來會

龍水兩源一出萬承州西北山三澗

合南經州城西而南有一水自城東來會又南流受東來一水折西南流數十里受北來一水又西南經

養利州城南又西而西北源出茗盈州西境南流合西北來一水者南經養利州城西又受西來一水而

東南來會又東南折而西南入麗江又南經州城東有巨洲  
當養利州水來會之

口又東南經舊縣北有水自北來注之折西南流經

土地墟西西岸即舊縣也有水自西北來注之又南流經太

平府西北境而南源麗江自西南來會自源至合處五百里

南源麗江又有二源一出交趾廣源州東流入廣西

上下凍州西境東流經州南有一水合二溪自西北  
界山東南流經州城東來會又東南流經龍州南境  
曰龍江有憑祥州水西南自鎮南關北流經州城東  
又北合西來一水而東北流來會即龍江西南源也

憑祥州為廣西西南界州南鎮南關為交趾孔道關  
南踰山即漢時銅柱為界西十度極二十二度此

水自關北流合兩澗北經州城東又北稍東至坤山  
村之西有黎溪水西自交趾界來會又東北六十里

與上下凍  
州水會又有湖水自龍州城東北而西南來會又

東流經南岸村北又東南至江口塘東北有水東南



自思州會東南諸水源流較遠實麗江上源也

水出廣東

欽州西境羅浮峒之南與交趾接界此水南隔山即  
安南江南入海為廣東界者此水自羅浮峒西北流  
七十里經新凜峒西西岸即廣西蒙板隘也折東北  
流八十里至古森峒西又北曰勒寨隘有馱白水二  
溪東北自土司思州之東山西南流經州南又合北  
來二水而西南來會于團龍村之東南此水折西流  
經村南又西經遷隆峒南又西南受西北一水又南  
經葉陽村北折而西流有一水南自交趾北流入界  
經馱鷹司西而北來會又西北受北來一水又西南  
曲曲至思明土府南折西北流有馬泡泉東北自府  
西來會又西北至思明土州東有一水南自思陵州  
東北山西南流合南一水西經州城南而西北流數  
十里又合西南來上石州水而東北來會又北百餘  
里至江口塘之東而麗江自西北來會此水源流

亦五百里又東北流曰麗江經鄧勒塘南折而北而東至

太平府西境而北源麗江北自太平州來會 二源

既合東流有水東南自江州合三溪北流來注之又

東折而南經太平府城西南東三面又東北流受北

一水又折東流經瀨湍塘北有水南自羅白土縣合

二溪東北流折西北來注之經叫程塘南又東北曲

曲經馱驢塘南折而東有水西北自左州北合三溪

東南流又合東一溪來注之折東南流有水南自忠

州來注之又折東北流至新寧州西有水自州南合  
三溪北經城西來會又東稍北經州北折北流受西  
北小水二又東北流曰左江數十里有水西北自羅  
陽土縣東南流合西南二水來注之折而東流又折  
東南經西白沙塘之東又南經合江鎮之西受西南  
來一水又東南與右江會是曰鬱江

鬱江自合江鎮東南流至仙降山北麓折而北又折而  
東有都來山水自北東南流合二水來注之

一卸龍  
山水自

東來會一苦山西水又東受東北來一水  
北境所謂

合三澗自東北來會  
邕溪也西南流有湖水自東來會  
又西南入鬱江湖即北湖也  
又東南經南寧府

城西南而湖水東自城南來會  
即南又東南有跑馬

泉水東北自高井西南分流來注之  
高井在府東北境有水西南流

數十里為跑馬泉又西  
南分為二派南注鬱江  
又東有一水自西南合四溪

來注之  
最南二源出廣東界山北流合而東北合東  
來一水正北流又合西來一水又東北流合

西北來吳村水又東  
北數十里入鬱江  
又東北流有伶俐水東北自崑

崑關西南流合二水而東南來注之  
伶俐水二源出崑崙關南一西

南流一東南流而合西南流三十餘里有石燕山北  
水自東來會又西南數十里中有巨洲又南有水東  
自都石山來會又有一水自西來會焉又南流有一  
水北自墨山及高峯嶺二溪合而南流又西北有獨  
秀山水二澗合而東南流皆會又東稍北曲曲流經  
而東流注之又東南流入鬱江

道人山南麓又東北至永淳縣西北境折東南經縣

城北有東班江自東北來注之東班江自東北山三  
源南流合而西有淥

墨山水自西北來會又西南曲又東南經城東又  
百里于永淳縣城之東北會鬱江

東南流有秋風水西南自迎恩橋來注之秋風水出  
南境八尺

寨北大山兩源合東北流過迎恩橋又東北合西一  
水又東北經林公嶺有水自南來會又東北入鬱江

又東有牛岡嶺水自南來注之。又東南經飛龍山北麓。又東北經橫州西南境。有陳埠江自西南合二溪來注之。又東經駱駝山麓。有橫漾江南自廣東界來注之。又東折東北至州西南。有水北自聖山東南流。經州城西而南來會。又東北經城東南。有洪流江東南自廣東界合二溪西北流來會。亦曰鬱江也。洪流江二

源一出州南界筆架山東北流一出東洪蒼山西北流而合又西北三十里至州城東北與鬱江會

流江源隔山而南又東北曰鱷魚江。有方水江自北即廣東廉江源也

來注之

方水江二源一出鳳凰山北麓東南流有東北山水西南流來會南流百餘里入鬱江

又東北經甜菜塘南有水南自空麓山來注之又東

北過起敬灘經興業縣西北境又北流有武思江自

西北來注之

武思江出貴縣西南境山東南流又南流合西來一溪又東南流入鬱江

又

北折西北經大浦洲東又北曲經貴縣南境有水

東自獅子山來注之又西北折而東北至縣西南有

一水自西北合數水東南流經城西來會

即貴縣城西水也出

西北境紗帽山東南嶺初西流折而東南曲曲百里經仙女岩西麓又東南合西來泉山水又東南合北

一水又南折而東合東北來一水又東有乾河自縣北境合二源西南流來會于城之西北又南經城西

而南入鬱江折東流經縣城南又東折東北流有汎江自

東南來注之又北有沙江自北來注之

即貴縣東北水二源一出

縣北上龍山東流一出東北北山司西南流合而南流數十里折東南流九十里入鬱江

又東北

有東津江自北來注之

東津江出鍾馗山南流有一水西北自北山司之南東南

流來合經龍石山西麓又南數十里入鬱江

又東折北流數十里有橫眉

江自南來注之

橫眉江出鬱林州北境山東北流數十里折而西北又折西南有一溪南

自艾羊營西山北流來會又西北折正北流入鬱江

又東北經大灣塘北又東



北經潯州府治桂平縣西南境曲曲百餘里至府西

南折而東南流

其南即雲合嶺

又折東北而西北至府城西

南十里有蓬閭江西北自石梯嶺來注之

即府西水又東

北至府城東南受南來寶子嶺水稍東而黔江支津

北自城東來會又東總曰潯江有一水自南來注之

水出南頓嶺北流合西來橫嶺東來伏虎山水經獨秀峯東麓又北經寶子嶺東又北西北入潯江又

東北流曲曲六十里而黔江正派自西來會

自合後東至梧

州府會桂江所經地及所受衆流見前  
文 鬱江自合江鎮至此又八百里

黔鬱二江既會於潯州府曰潯江又東會北來之桂江於梧州府東流經城南又東流入廣東界總曰西江經封川縣西北境折而南流三十里經縣城西有一水自西來注之折東南流曰錦江受東來一水又南流經圓珠山西麓又折南稍東經西寧縣北境羅旁墟西北有武倉水南自城東而北來注之

武倉水西南出羅定

州西北與廣西界之封門所南山東北流至西寧縣西南境折東流而東北至縣城東南有一水東自大

力山來會又北流經羅旁墟西北入西江

又東稍北折東南流經德慶州

城南有一水北自端山合二溪南流經城東來會稍南有連州河西南自羅定州合數水東北流來注之

即龍水江也上源出羅定州西南二百餘里硃沙嶺西北流經懷鄉司北又西北有南一水折北流有函口所水自東來會又西北經平合司南又西北入廣西容縣東南境有一水西南來會其源出小水獐水亦自廣東界西北流折而東北者也又北流有石梯山水自西南來會又東北流入廣東界經夜護營南曰連州河又東北經羅鏡所北受南來分界店水又東北曰龍水江經羅定州城西北又東北折而東南經尖岡又東北經企陽石有東水自東南來會東水南出雷公嶺東北流數十里合東南來一水折西北流合西南來涼峯岩水又北流經花榜頂山折而東流經筆山北有一水自東南來會又北流曰上烏

水經龍龕山西麓又西北流經榕潭東又西北會龍  
水江龍水江又東北曲曲百餘里至德慶州南境

大力山東麓有水東南自東安縣城南西流而北來  
會又北流有東南一小水同入西江此水源流三

百餘里又東稍北有水東北來注之水出勞山及計都山折東南

流經辣頭塘南南柵所北受北一小水又東經東安

縣北境三洲岩北又東北受北來一水折東南流受

西來一水即三洲岩東水受北來靈陵河水自雙鶴嶺南流合東西二溪又

南入西江又東經望夫山南麓有大湘水北自大湘峽來

注之又東受南來一水過銅鼓山北麓有小湘水合

三溪自北來注之又東南經肇慶府治高要縣西南

境有羅銀水自西南會新興縣水東北流來會於府

城之西南

羅銀水出雲扶山東北流合西南一水折東流合南北二水東經下洞南又東而新

興縣水自南來會縣水出南境猫爪嶺東北流至夾嶺折而西北合西南來新寧山水又北流經縣城東有水自西南山東北流百餘里東流經城北來會稍北又有水自東南來會又北流經茅田逕西又北會羅銀水又東經老香山折東北

經府城

南稍東折東北流經望候山又東北至黃香司南有貞山水自西北來注之稍東而賀江北自四會縣南

流來會亦巨川也口在三水縣西南二十餘里

上賀江源

出連山縣境二大源一出西北與湖南廣西三省之  
界山東南流經分水凹西南其東隔山即橫水之上  
源下流入瀆江者此水東南合東來及西來二水又  
東南合西來一水又東南至上台塘南有二澗自北  
合而南經塘東而南來會折西南流又受東來一水  
又南受東北來一大水又西南受西來一水又西南  
而東南源水來會東南源出陽山縣西南境之馬  
丁山西北流合東北一水又西流合北一水又西合  
北來之西溪水又西合北來之鍾山水又西稍北與  
西北源會二源既合又西南流折而西北入廣西  
界經賀縣東北境之祿山北又西北經西北境之梧  
山北又西北至富川縣南境有龍溪北自縣城東合  
北來長標山峽口山龍溪山馬頭山四大水西來城  
南小水東南流來會賀江折西南流受西北來一

水又折東南流經鍾山鎮東又南曲曲受西南來之  
佛子岩水又東南受南來之下石泉及沸水泉合而  
東北來之溪又東南至賀縣城北受北來平地村水  
又東南經城東有臨水東自齊岳合南北二溪西南  
流來注之又南折西南流受東來二水又西南受東  
來一水經幞頭山東又西南受東南來一水又西南  
折而東南流經圓珠山南麓又東流經清水山西麓  
折而南入廣東界經開建縣北境稍東南有一水南  
自縣城東合西南來之安東水諸溪北流來會東  
安水出廣西梧州府東北界之黃沙嶺西南流折而  
東南經東安司西又東南入廣西界經封川縣北境  
又南至縣東北十餘里折而東南南曲曲流經黎山北  
又東曰廣信河折正北流受東來一水東北流又受  
東一水東北經石田灘東大灘西受西北來大壬水  
過狼嶺西而北至開建縣城西南受東北金槌水又  
北經城西又北受西北來蓮塘水又北受東北界之

金裝水又北會賀江賀江既會東安水又東北流入廣西界經清水山東麓水瀉山西麓又東北經牛關山東麓有水北自佛子山來注之又東北有水北自磨刀山蒲岡山天祖山合三溪來會又東北有懷集縣西境南受一水又東北流有黃甲水自東北來注之又東有鳳凰灘水自東北界山西南流合二小水經縣北來注之折東南流經縣城西南又南受南來白鶴山水又東南流有桃花水東北自界山合南來二溪西南流來注之又東南經大浪村南又東南入廣東界經廣寧縣西北界又東南受東北來一水又西南流折而東南有烏龍潭水自西來注之又東南經縣南境有一水北自縣城左右合西南流來注之又東南受西來新招水東北來石澗山水又東南曲百餘里經四會縣西北境又東南經縣城西南又東南有水北自城東合東北境三溪南流來會又東南百餘里經三水縣西南境與西江會支津東流而瀆



江支津西南來曰綏江者亦會也 賀江源流曲 稍  
折行一千三百餘里水勢幾與桂澗二江相埒

東岐為二派一東流會澗江之支津曰綏江者經三  
水縣城南又東南會東北一支津又東南分為二渠  
一東南會正派一東北至廣州府城西柳漁浦南會  
正派其正派東南流經高明縣東北境月山東又分  
為支津一西南流受西來高明縣城南之鬱水東南  
流又分支津南於新會縣東北境香山縣南北境入  
海一東流於順德縣南北境入海其正派東北流會

北來支津又東北至廣州府西南境似滙為巨澤

中有集翠

洲三山等浦嶼至城西南而支津合湏江自北來會東江龍

川水東自城南來會又南於大通灣分為二渠南入

海

海口西三度五分極二十三度西江自封川縣境至此又九百里

粵江口以西入海諸水甚多今叙其源流長者自東而西餘詳前文海下

新會縣潭江源有二一西南出恩平縣西境山合二溪東北流折而東南經縣城南受南一水折東北流受

東南藍坑山水又東北受西來石圍山水又東北受

東南三溪合流之水

即新寧縣西境孔公嶺西水也

又北有西北源

自山中東南流合北天露山水又東南經鴻觜山鼓角山西曰蜺岡水東流來會又東北經開平縣南境

有獨鶴水北自縣城合數溪南流來會

獨鶴溪出開平縣西南獨

鶴山東北流至縣西南有二溪西北自山中合而東南流來會東流經縣城南有水坪河北自梁倉山南流經城東來會又東南流合東

受南一小水又東北

受北來游魚山水

水二源出蝴蝶山合西南流經羊頭背又南經游魚山東麓又西南

入恩平水 又東南流曰潭江有龍鎮河南自新寧縣來會

龍鎮河出新寧縣南玉懷峰北流至城西南會東來一水又北經城西又西北流數十里折東北流入潭

江又東北受南一水又東流過鑼鼓潭又東北折而

東流至新會縣城西有紫水自北來會又東南流折

而東北入海其東南口即龍護山也潭江源流五百里潭

江口之南稍西為厓門山港又西南為廣海衛東港

新寧縣南境又西為海朗所東港又西為陽江口

陽江出羅定州東南界大山三源合南流數十里經陽

春縣北境東合一水經黃泥灣西有博李水西自雷  
公嶺東流合西南之古勤水又東北流來會又南流  
受東一水又南受西一水又南受東來之高流水又  
東南受東北一水又南受東北來之蟠龍河又南經  
縣城西又東南受東來之月方水又東南有水西合  
二溪自西南來會麻陳水東北流八十里合南來羅  
水又東北有黃橋水自西北合三  
水來會又東流百里折南流合  
西南一水又東北流入陽江又東南八十里經陽  
江縣北境之麻橋又南經縣城西折東南流有蓮塘

驛水自東北合二溪西流經驛北折西南流數十里

來會又正南流入海

此水源流三百餘里海口有洲其南隔海即海陵山大洲

又西為太平司水東流合北來一大水東北一水

東南流至丞相嶺東南入海 又西為電白縣東西

諸港 又西為高州府竇江

竇江出信宜縣東北百餘里古樓山二源合西南流會北來六豪山水西南流經官輿南會北來溪水又南流經縣城東稍南而潭我江自西北石馬搖山二源

合南流合西來一大水東南流合西南一小水又東  
南經縣城西南而東來會又東南流受西北公茄嶺  
水又南流受西一小水有石人山高涼山水自東北  
經射狼山西南流折西北來會又西南經高州府治  
茂名縣東北境又西南經府城西北又南經城西有  
新河東北自銅魚山西南流城南又合南一小水來  
會其西即麗山也又西南受東一水又西南至化州  
城東北有羅江自西北來會

羅江二源北源出州西  
北與廣西界之峩石山

南流百里有浮水東北自鼓樓嶺來會折西南流有  
來水自西北來會又東南流數十里會西北水西北  
源出廣西界之鹿踏山及石洞山合東南流百里有  
石屋山水自西北來會東流經石城北官山南又  
東南與北源會曰羅江經化州北  
境東南至州城東北而實江來會 又南西南流經鶯

哥山正南流又東南過石灘經千秋山西麓又東南

有赤嶺水自東北來會

水出電白縣北百數十里之  
羅浮山及東諸山兩源合西

南流經石壁山受北來一水又西南流受茂名縣東  
南之蕉林山水又西南流受電白西境之安樂山水  
又西受北來白石嶺水又西南經赤嶺下又西南入  
實江源流曲折幾三百里其會處曰三江俗名此水

為三橋水 又西南流經吳川縣北境有雞籠山水自西來



注之又西南至縣西境南入海

此水源流  
幾五百里

其海口

西即大船港口博泉水口平城江口以次而南

隔海  
大洲

即礪  
洲也

又南為石門港即遂溪縣水東流會北來之石

門山水東南入海又自遂溪東南分流西經城南又

西北至明舖港西入海者也

石門山在化州西  
南石城縣東南

又南

為雷州府大肚河諸水無巨川

自遂溪而北有石

城縣之南廉江

南廉江源出廣西陸川縣東西二源一從西北伏波山

東南流經縣城西一從東北文龍山西南流經城東

南又西會而東南流受東二水折西南流又東受東

北一水其西六鰲山也又南流受東來簫韶山水又西南流

受西北一水又南經大流山東麓受東北來文黎山

水又西南受西北來一水又南流入廣東界陸川西即博白

縣西北即鬱林州凡縣北水皆西北入鬱林河也北即北流縣凡縣東南境水皆北流入劔江惟此水南

流二百餘里經石城縣北境奮禾山折西南流受西界上

雞籠山水經石洞山西麓六吉山東麓又南有合江

自西北界來會折南稍東曰南廉江有石樓山水自

東北合清湖龍湖二水西南流來會又西南流經縣

西境曰九州江折南流經龍村西有羅水東北自城

東合二溪西南流又合東南一水而西來會又南折

而西流經遂溪縣西北境之急水港西入海此水源流四百

餘里又西北為渡子江及零祿江香草江大港口子渡

江北出廣西界山東南流合東西二水南流又合東  
一水折西南流有水自北來會經清平營南有零祿  
江北自晒穀嶺南流來會又西南至永安城南入海  
香草江出北界合二溪南流合東來一水又西南

流折而東南有官基江自北來會又東南流至永安  
城南入海海口有三洲即榕根港也江皆源流百

餘里又西為隴村寨東港口港口西又西為白龍城

港廉州府治合浦縣東南境為武刀港合浦南境又西稍北為廉江

口

廉江源出廣西鬱林州及興業縣在鬱林有三大源一

東北出北流縣西北境山西南流曲曲百餘里經州

城東南二面而西者曰思賀江一出思賀源之西北

大人山兩溪合而西南經州北境又西南會西北一

源水南流經州城西而南與思賀江會又西南有新  
橋墟北水自東合二溪經陸川縣北境西北流來會  
又西南會興業水 興業縣水有二大源一出縣西  
北山東流數十里折南流曰下烏江經縣城東又南  
而南源水二溪自西南山合而東流來會又東南流  
折而南而西南經馬鞍山東麓又南流合西南一水  
又東流與州水會曰銅鼓潭西南流有南沙江自西  
北來注之折東南流經博白縣北境折西南流有綠

珠江自西北來注之南經縣城西稍南有環玉江自東來浪馬江自西來並會又南有頓谷江自西來會又西南流有水東自南境山合二大溪西北流來會

此水源流百數十里

又西南經將軍山金魚山西麓又南至蟠

龍山有沙河西南合二溪東北流經沙河司東而北來會又西流入廣東界經廉州府治合浦縣東北境之百良山北有白沙江北自文會山合西北古欖水南流來會又西南百餘里受北來之張濛溪南流受

東來天人山水又南經大廉山又西南受東來烏水

江折西流曰廉江經白石山北有武利江北自靈山

縣會諸水南流來會

武利江出靈山縣東北廣西界三源東源出大龍山南麓西流

曰浮龍水有北源自花竹山來會又有西北源自龍牙山來會西南流至縣城東南有大溪東自大東山西流來會西過城南又西南流有馬槽江自西北界山來會又西南流有舊州江自西北來會又西南會西來一水折而東流又東南有南岸大江自東北合三水西南流來會又東南合東北五黃山水經葦竹山東麓折東流曰武利江受北來一水又東南流數十里折而西南流受北來一水又南而廉江自東來會此水源流三百餘里靈山北界即廣西橫州其東北及興業縣連山相接凡北水皆入鬱江而南

水皆入海

又西南流數十里至府北有水西北自北峩山

合三溪東南流合一北來水來注之又西南正南流經

府城西歧為三派至南復合受東來城南水又西南

入於海海口曰三沙鱉港

此水源流六百里正南隔洋有洲曰珠母池

山

西為小港為簞竹河東港為平銀江大觀港

又西為欽江口

欽江二大源一東北出管彬山西南流合東來一溪西

南經吳屋山北麓曰吳屋江又南流有琅清山水自



北來會又南流一東出傳嶺西流與東南出林台山  
水合而西曰龍門江又合東南來一溪而西與吳屋  
江會又西南有雁蘆山水自北來注之南經白馬山  
西麓曰欽江又南經欽州城東有巨灘稍南受西來  
城南水又西南流受東一水折正西流有漁洪江自

北來合西南鳳皇江南流同南入海

漁洪江出州北  
廣西界之肥羊

嶺東南流入界經那峰汎西又東南合東北來二水  
折西南流曰水車江又西南合西北一水西南流曰  
都良江又西南曲曲有青山水自西北合南大寺塘  
水東流來會而南流曰漁洪江又東南曲曲百餘里

經州西境稍南折而西流而鳳皇江自西北來會鳳皇江出州西百八十里之黃振嶺東南流經王光營南如首峒北又東南流曰那鑿河有一水北自長敦司南合左右二溪東南流來會又東南有大寺江自東北來會又東南曰鳳皇江而漁洪江自東北來會又南曰南港有巨洲又南而欽江自東來會入海

欽江海口有洲即龍門營也

欽江源流三百餘里漁洪江亦三百里

自龍門營而西有防城營河口又西有貼浪江口又

西有安南江口其西岸即交趾界也

江出州西極界山隔山而北即

麗江東南源西北流入廣西太平府境而西北會龍江者也此江東流數十里至思勤峒南折東南流

又東南數十里入南海



水道提綱卷二十

欽定四庫全書

水道提綱卷二十一

原任禮部侍郎齊召南撰

雲南南出之水

中國濱東南南海故直省巨川未有流出於外者惟雲南南界交趾其水自北歸金沙東歸盤江而外水之入南海者越境尚多瀾滄潞江乃最大也今自東而西編次自者賴普梅二河始

者賴河出廣南府南二百餘里土府州之西南山南流  
稍西曲曲行兩山間二百里南入安南國界

普梅河出廣南府南百八十里大山二源一自山西南

流

其源在者賴河源  
西北六十餘里

數十里一自山東南流

其源又在東水

之西北五  
十里大山

合而正南數十里折東南曲曲又六十里

南入安南國界

又西為開  
化府河

開化府河上源曰烏期河出府西北百五十里大石牙  
之西南山東北流經村南又東北數十里折東南流

經樂農寨北稍東有迷勒河自南來會又東南合東

北來一水折正南流數十里有路梯河自西南來會

河出府西七十里山中又東南流至府西北二十里有磨底河

自西南來會河出府西五十里山又東至高山下伏焉數里復

出曰天生橋在府西北十五里東南流經城東南又南折而

東南伏於山下數里從東南山洞復出曰天生洞在洞

府東南約十七八里又東而南曲曲百三十里有一水自東北

合二溪西南流二百里來會此水在普梅河之西百五十餘里又南

曲曲數十里至大山北麓伏焉復從南麓湧出是有  
三天生橋也未伏時有賭呪河西自山中東南流數  
十里東伏於大山下數十里復出而會開化河俱伏  
故南麓湧出之水益壯又東南曲曲百八十里南入

安南國界

此水行五百餘里過三天生橋而  
賭呪河亦然又西為三岔河

三岔河正源出蒙自縣東五十里山中

蒙自縣臨安府  
之東南也也西

北三十里有長橋海廣數十里  
二角向東北及東四時不涸

東南流曲曲百五十

里有鑽天青河西自縣南境山東南流百餘里來



會又南有那木果河東北自開化府西南境者安塘  
之南山下西南流百五十里來會曰三空河又西南  
流百餘里受西北來一水折東南流百六十里南入

安南國界

此水行四百里  
又西為河底江

河底江二源俱出大理府南境東源出雲南縣西北六  
十里之梁王山

即趙州  
東北界

東南流至縣城西北分為二

派一支東經城北折東南流為一沱江即東北三百  
餘里於鐵瑣之北入金沙江者也

見前金沙江下此  
水源一流分似與

廣西湘灘及相思江相類

其一支南流經縣城西境東南流二十

里折而西南至迷渡巡司之西有一溪西北自白崖

站北合二水東南流又合西南一水而東來會

白崖站北

二十餘里大山即趙州東南境雲南縣之西界也其山北麓二水合而西北為趙州北之波羅江西北入珥海者也山東南麓一水東流一水南流合焉又南經站東又東南四十里有一水西南自蒙化府北山東北流來會又東至迷渡西岸南會梁王山水折東南流百八十里受東北

來一水又南而東南七十里而蒙化府水自西來會

西源曰楊江即蒙化水也出趙州南境山

在州南五十里

三

溪合而南折東南流

東去白崖站八十里

數十里經大山西麓

又東南數十里經蒙化府城之西折東南曲曲百餘

里經舊定邊縣城北又東南有定邊河西自羅求塲

西北山東南流東經城南來會又東曲曲百五十里

會雲南縣水 兩源既合東南流百餘里折而東而

南曲曲百六十里至磜嘉廢縣之北

景東府東北境也

折東

流百里曰大厥河受北來一水又東南流受西南來

一水又東流有馬龍河自北來會

馬龍河出鎮南州南境山中一溪南

流一溪東南流俱數十里合而東南曲曲經楚雄府南境及南安州之西南境至蕪哨汛西又東南數十里折南流經兩山間又南來會又南流至元江府北大廠河此水源流四百里

境之三江口有一江自東北會富民羅次安寧祿豐

易門西會廣通南安諸州縣水西南流折而西北會

邦漢水而西來會水勢大盛

源曰羊溪出雲南府西北富民縣之西南山

之東麓即滇池北流之水為普渡河北入金沙江者也山西麓有溪西北流至羊溪冲東北有一溪西南自祿豐縣東南境山東北流來會又北流數十里經富民縣西境有一溪東自縣西來會又北稍西數十里經羅次縣城西稍北折西流經羊園村北又西南流百餘里經祿豐縣城北有响水河自北來注之又西

稍南受西北來九盤山水又西南流九十里有拾資  
河北自廣通縣東境山合二溪東南流來會折東南  
流二十里有妥稍河西自南安州南境山東北流  
合南來兩屯汛之沙甸河俱二百里而東北來會又  
東南流有一水東北自祿豐縣南之煉象關合二溪  
西南流經太和街前而西來會又南流曲曲經易門  
縣西境山中二百里又東南而易門水自東北來會  
易門水出安寧州北境山西麓其東即雲南府之  
西從滇池北流之普渡河也此水二源從西麓西南  
流而合又西南流有一溪北自老鴉關之西南流來  
會又南流經縣西境至矣栖村東有舊縣水西自易  
門產合南二溪東北流折而東南經舊縣東來會又  
西南經易門縣東北受西來城北之水又南經縣東  
又南折西南流百里與羊溪會既會易門水又西  
南百六十里經新平縣北境有一水合二溪南自縣  
西山北流來會又西南至新化廢州北折西北流數

十里有一水東北自李海汎北自兩竜汎至大橄欖  
西北自官廩所三溪合而南經邦漢汎西而南來會  
又西南二十里至三江口與大廩河會 此水滙雲  
南楚雄二府之半諸水源流六百餘里實河底江之  
東南源也 既合西南流六十里受西北來一水又西南五

十里經哀牢山東折東流又東南受東北來一水又  
東南流百三十里受東北來一水又正南曲曲百四  
十里至元江府北曰沅江有一水西北合三溪東南  
流百餘里經府北而東來注之又東南經府城東北  
又東南有清水河西自城南來注之

清水河出元江府南百數十里

山中北流折而西北數十里合西來一水又正北流  
數十里折東流數十里經府城南合西南一小水又

東入元江又東南百二十里受西南來水二經南昆寨北

又東南有南充河南自落恐司北流來注之又東南

經宋童塘北稍東有一水南自左能司北山東北流

經思陀司北而東北來注之稍東有一水北自新平

縣合數河南流來會

水出新平縣東北山兩源合而南流曰亞泥河百里至東境有

襟帶河出縣西南山亦合兩源東北流折而東經縣城南又東四十里來會又東南流三十里有一溪自

西南來會又東南折東流有怕還鄉河東北自嶧城縣西境山西南流合北來一水正南流百餘里又合

東北來羅呂鄉水而南來會又東流折而東南至窩  
泥寨西正南經魯魁山東麓又南數十里有白花壩  
水自石屏州東北境山西北流折而西南來會折西  
南流百里有一水自西北合二溪來注之又南流五  
十里折東南有一溪東北自石屏州西南境山來注  
之又東南曲曲百餘里入元江此水源流五百里

東流曰河底江經阿巴寨北又東南經虧容甸北有  
一水西南自瓦渣司來注之又東南有一水南自溪  
處司東北流而東經虧容司南來注之又東經六蓬  
寨北又東數十里折東南流百數十里有一水北自  
納樓長官司合二溪東南流折而南又合東北一水



南流來會

納樓在臨安府西南百二十里

又東南五十里經納更司

東又南百六十里有清水河自西北來

此水南即安南界

又

有一水東北來並會成三叉形又南百里經新寨之

西其西南為安南國界折東南流八十里經壩洒汛

之南又東南入安南國界

河底江即元江源流千里受納大理府東南楚

雄府南雲南府西南蒙化沅江全府及臨安西南諸水凡水之不北會金沙西會珥海瀾滄東會八達河盤江者俱匯此河故論雲南南出之水最大者曰瀾滄曰路江其次即河底江也

自河底江而西為李

仙江

李仙江即景東河源出蒙化府東南境山

在舊定邊縣之南三十里

大山西南流有一溪西北自鳳皇山東麓東南流

山西南麓水

即西南流入瀾滄者

合而東經虎街南又東南流有安定河自

東北來會又東南經安定關南又東南經景東府北境有沙羅河自東北來會又東南東流經新站街南又東折南流有板橋河自西來注之又南有天密河自西來注之又南有大頓河合二溪自西來注之又東南流經府城東北又東折西南經城之東南又折

東南流有蠻謝河自東北來注之又東南經中所塘西  
稍南受北來一水又東南受東北來之品秀河又南  
流受東北來一水又南折而東有蠻岡河自東北來  
注之南流有阿薩河自西南合二溪來注之稍南有  
怕莫河自東北來注之又東南經者樂甸西有大弄  
河西自鎮沅府北山東流來會又南流折而西南經  
跨泥村西稍南有四必河自東來注之又南有蠻莫  
河自東來注即鎮沅東境也又東南經新府沅東又

正南曲曲流百九十里經威遠州東境曰把邊江又折東南復西南數十里南流有麻黑河南自麻黑塘東北流來注之折東流經把邊塘南又東有慢岡河自北來注之又東南折正南流而西南又東南而東流而南而東南共二百五十里有阿墨江自北合數

水來會

阿墨江出舊磬嘉縣南百餘里大山與蠻岡河源相近此水自山東南流合西北一水又

東南經三家坡汛西又東南經袁牢山西蘆其東三十里即河底江也又南百六十里折東流數十里又南曲曲經元江府西境二百里折東南流有慢會河自東北來會于阿墨塘之南又東南曲曲八十里有他

郎河合三水自他郎汛南流合東北之甸索河水西南流來會他郎甸索即元江府南境水也又南曲曲二百里至三江口而把邊河自西北來會此水源流幾六百里又東南有薩普河自

東北合三溪西南流二百餘里來會又東南流曰李

仙江二百里有一水自北合二大溪南流二百餘里

來會又東南百五十里流入安南國界

水北為安南界南為老撾

界此水源流千四百里又西為瀾滄江

瀾滄江即古蘭蒼水疑即禹貢黑水番名拉楚河有二

源一出西藏喀木之匝坐黑岡城西北千餘里格爾

吉匝噶那山名匝楚河即古鹿石山也

山在諾木  
鳥巴什山東

北三百餘里衛之東界喀木之西北界甚高大即古所指吐蕃嵯和甸之麓石山舊名格勒濟咱噶拉納阿林其麓水東南流百數十里會北來之庫克噶巴山之水又東南流會左一池右三池水形若花吐瓣又東南百數十里而南而東南曲曲有一水自西來會始曰匝楚河又東南折而南會西南來一水又南流百十里折東南流三百里會西南來一水又曲曲東南百數十里經蘇噶莽城西南又東南二百餘里會東北來一水又南會西北來一水又南會西北來一水又東南會東北來一水折正南而西南流百餘里會西北來一水又南數十里經又木多廟東境

一源出匝坐里岡城西北八

百餘里巴喇克拉丹蘇克山名鄂穆楚河

亦曰敖母  
契河山下

十數池若星宿海。淮西南流八十里，有一水自西北山曲曲東南流二百餘里來會賈別源也。南流折而東而東南百八十里，又一流曰普陀營塔拉水源，更遠自西南大山南流折西南，又折東南流三百里會西北來一水，又東流折東北流，曲三百餘里與巴里喀塔水會。二水既合，東北流折而東南，百餘里受北來一水，又東南流二百里折南流，二百餘里受東北來一水，又南折而東南，經木多廟西，又南與東北來之

匝楚河會

二水俱東南流，折而南至匝坐里岡城東

北三百餘里，木多廟前而合，又南流受東北來一

水，始名拉楚河，又南數十里折東南流，二百里折西

南流，經賈廟西北，稍南有一水自東北合，二河西南

流滙東南來之滾北宗城及查木敦廟前水與南一

水北流來會至此番名默楚必喇又西南數十里過

扎克達克匝穆木橋

在匝坐里岡城東北百二十里  
瀾滄江自南至此已千百里喀

木境之  
大橋也

又南數十里折東南而南百里有自楚河自

西北來會

羅隆宗城東北百二十里有楚充千兩池  
水番俱名布多哥鄂模合向東南流以會

匝楚果公阿林之水又東南經靈渦廟車前  
東南流曲曲八百餘里來會亦曰匝楚河

又南受

西來一水又東南百餘里受東北來一水又西南受

西來一水又南流過占失打格薩馬橋又西南百里



折向東南而西南經察喀羅巴西又西南受西來之

葉爾瑪巴山水又東南百里受西來之喀塔噶里布

嶺水又東南數十里經屈虫帝鯨廟西南又東南百

數十里經蒙番怒夷地折而東北而東南有一水自

西來會

自此以前東為蒙  
番境西為怒夷界

至雲南塔城關西入麗江

府界曰瀾滄江

江源西已  
經七度

瀾滄自入邊經徐那山之西怒山之東北

西十七度三  
分極二十七

度四分東北去塔城關金沙江入邊處百  
七十里西南去路江入邊處百二十里

南流二十

里受西來一水

自西邊界東流經怒山南麓而東注之

折東南流受東

北來一水

出徐那山東北大山者西南流來會

又南經樹苗汛西又南

有一水自東來一水自西合二溪來並會形如十字

西二溪一東流一東北流合而東注之

又南折西南經小甸塘西折東

南流分為二派一支東流至工江汛合東一水折而

東南曰工江曰白石江又曰漾備江

見後

其正派南流

經風羅山西折西南流曲曲二百里有白水河自西

北合三水東南流來注之折東南流四十里受東北

來一水又南六十里有表村河自西北來注之東南

流經表村東有一水自西來會又東南經雲龍州西

北境山麓折南流有松枝溪自西來注之又南受東

來一水

即雲龍州北山水西南流者

南經州西南境受西來一水

又折東南曲曲百里有泚江東北自州城北合小水

無數來會

泚江源曰犄弓河出北大山合兩澗東南流至白地坪百餘里又東南有小鹽井山

水南流合東一溪西南流經坪東來會折西南流合西來水二東北來水一又南流合西來水一又南經順盪井田折東南流

受東北一水又東南受西一水又東南有大朗河東北自鹽路山西南流百餘里來會大朗河源隔山而

東即白石江也又有一水自西來會又南流受東北水一又南經大波浪村西又南受東北來二溪合流之水折西南流受西北來二溪合流之水又西南折東南流經諾鄧井西又南受東北來水二又南流穿雲龍州城南而南受東北來一水又東南流受東北來二水至乾海子西折西南流經山麓又西南入瀾滄江此水行瀾滄之東白石之西自北而南合諸山小水源流曲曲五百里又南折西南

而南經永平縣西境又東南受西一小水

出永昌府北境山東

流又南有沙木河自東合二水來注之

二水出永平縣南山西流

合而西經沙木河汎南又折西北而西注之

又東南曲曲經永昌東境而

東二百里有一河北自永平縣合數水南流折西南

來會

永平縣河出縣北境山在乾海子東南二源南流而合東南流受東北一水又南經縣城中稍

南受東北來經城東水又東南受西北來一水有錫廠河自東北來會又東南曲曲百七十里受東一小水又受東南來狗街水折西南流六十里入瀾滄江 此水源流長三百里 又東南百二

十里經順寧府北境以受南來二溪合流一水

即出順寧

北山北流者

又東曲曲經山麓又東經雲州北境而漾備

江北自大理府南流匯東劍海洱海諸水來會

漾備江即瀾滄之沱江也北自小甸塘南分瀾滄一支

東流受東南來一水又東至工江汎西北受東來一

水折南流曰工江有拉巴山水自東來會又西南受西南來二水折而東經河西汛北又東南流折而南受西南來一水又東南有麥鷄河自東北大山來會

即拉巴山南山也其東麓水東北流至石江會金沙江者又東南經通甸西北有

一水自西南來即小鹽井西北水東北流者一水自東合二溪來

並會即通甸東北山水兩溪西流合而經通甸北者又東南至通江塘西受

東北來一水又東南受東北一水又東南經劍川州

西境之舊蘭州東有一水自東北來注之即劍川北山西麓水

也  
稍南受西北來一水

即舊蘭州西北山水  
東南流經州南者

又東南

有磨刀河自東北來注之

即劍川州  
西境水

又東南受東北

來一水

即州西  
南山水

經大山東麓曰白石江又南經彌沙

井西又東南受西一水又東受北一水又東南有東

劍海北自劍川州合數河西南流來會

東劍海在荆  
川州東上源

有三西北源曰老君河出州西北百里大山東南流  
其東北源曰千水河出麗江府西南石鼓汛之南大  
山西南流百數十里至州北境會而南其東源曰螳  
螂河出鶴慶府西北山西南流百里與二河合豬為  
大澤又有州北一水東南流經州城東北會焉湖瀾  
二十里南經城東南有水自西來經城南注之又受

東南來一水湖長四十餘里自西南流出至沙溪村東有一溪自西北來注之又西南受東北來一水又

西南入白石江此水源流三百里自東劍海以東諸水皆於鶴慶府入金沙又南流受

西來水二東來水一即浪穹縣西境也又南經煉鐵街

西受西來一水縣西境折東南流經鄧川州西南境受西

來一水始曰漾備江又東南而南經大理府治太和

縣西北境又南稍西至漾備街西受西來一水街在府西

南六十里又東南至合江舖西南有洱海東北自府城匯

北來浪穹鄧川諸水南流經趙州而西南來會亦巨



川也

城洱海以形似名北自鄧川州東南南經大理府

三十里其大與滇池不異其上源即浪穹縣之黑水  
梅茨白沙三河也黑水河出浪穹縣北與劍川州

東南界山兩源一南流一西南流合而南經二營西  
又南而梅茨河自東北而南流經二營之東而西南

來會又南而白沙河自東來會南至縣東北瀦為巨  
澤有西北一水東流瀦為大池經城北來會又東南十

餘里有鳳羽河南自鄧川州西南山北流經縣南境  
折東北流來會湖自東流出經巡司北折而東南至

鄧川州北境分為二派一南流稍東經州城東一東  
南流折而南曰彌苴河又南復合遂瀦為巨澤有蘆

濟河自東北來亦瀦為澤西南合焉此洱海之首也  
東西濶四十里又南經上關之東即鄧川州城南十

五里大理府城北百里也又南受西來山水三東來  
山水一即鷄豆山水西流者鷄尼山在府城洱海之

東北九十里洱海又南受西來一水即府西北山水也  
又南受西南來經府城北一水又南經府城東至此  
漸狹東西僅十餘里南又漸濶受西來城南及南境  
三水又東為小湖大湖相連東南經趙州西北有波  
羅江合二水自南而北經州城東而西北來會又西  
南流出經下關之南下關在府東南六十里北至上  
關百二十里此洱海之尾也又西南四十里經合江  
舖南而西會漾備江 弭海源流三百五十里自海  
而東北諸山水皆入金沙江自海東南諸  
山水皆入河底江亦滇省之大分水地也漾備江既  
會洱海水稍西南折南流百餘里有一水西北自黃  
連舖合數水來注之 水出雲龍州東北山東南流百  
里至永平縣東北境黃連舖東  
受東北一水又南受舖前二流合而  
東流之水又東南百餘里入漾備江 又南經蒙化府

西境曲曲而南百八十里受東北來一水即蒙化府西境山水

西南及西來一水即樂可巧村西北山水東南流合南來二溪又東流入漾備江又

東南至雲州北境復與瀾滄江會首受瀾滄處西十七度一分

七度一分會處西十六度一分極二十四度七分亦曰漾濞江分瀾滄會劍川州浪穹縣鄧川州大理府

趙州諸水源流共千餘里

瀾滄江既會漾備江東流八十里有鳳凰山水自北來

注之折而南流稍東曲曲百餘里折西南流雲州東南境即

景東府正西百三四十里有順甸河西北自右甸城東南流經順

寧府南雲州城南合數水來會

順甸河上源曰右甸河出右甸城北大山

東南流數十里經城東又東南曲曲百六十里至順寧府西南境有一水自南來會又東南百餘里至府東南境合西南來一水折東北流至雲州西南而府城北水東南流合北二溪南西一溪流來會又有永鎮闕水合二溪北流來會又東北經州城東南有猛郎河東北自猛郎司西北合二溪西南流經州城東而南來而南來會曰順甸河又南流百餘里入瀾滄江此水行四百里

又南數十里折而

東二十里又南流五十里受東北來一水

即景東府西南境水

西南流者又南有猛麻河西北自巡司來注之又南折西

南流百餘里受東南來一水又西南百餘里受西北

來分水嶺水

分水嶺在猛緬長官司南九十里猛準之東南其水北流者折而西南為孟定

土府南丁河之源

又西南二百里有棘蒜江西自孟定土府

東南境合諸水東流來會

棘蒜江上源有二一日孟定土府東境之耿馬河合

南來西來二溪又南流合東北來二溪會之南別河又南流而東南一曰土府東南境之南董河自猛董東北流合西北來一水又東北經猛角南又東流合南來大溪又東北流至猛滲北與耿馬河會 既會

東流折東南曰猛滲河曲曲百餘里有一水自西南合二溪來注之又東流有南猛河北自猛庫合二溪

西南流又合東來二溪之會一水者經猛村西北又南合西北來二溪之會一水者又南經臘門村西又南合東來一水折西流合西北來一水又南流百里來會 既會南猛河又東有猛尹河南自邦董山

東北流合東南一水折而北經上下二猛尹又合東  
西二水北流來會又東流折而東北曰棘蔴江有一  
水北自仙人山南流來注之又東折東南曲曲流百  
入瀾滄江此水源流三百餘里

八十里有巴景河東北自鎮沅府合諸水西南流經

威遠土州而西南來會

巴景河二源一曰樹根河出鎮沅府東北山及北山二溪

南流而合經府城東有二溪自東南合而來會又南  
西南流經城東南又西南五十里經抱母井南流折  
而西南一曰猛統河出府西北山合兩潤西南流經  
府西境而南百數十里與樹根河會既合西南流  
有恩更河自東來正統河自西北來並會又西南有  
景谷河自西北百餘里合三溪東南流來注之又南  
有難可河自東來注之又西南經威遠土州城東南  
曰巴景河西南流曲曲二百數十里有一水合二溪

北自猛戛西南流而南稍東共二百里來注之水亦  
大又西南百里入瀾滄江此水源流五百餘里

自樹根河源山以東水俱東又東南百里有康郎河  
入把邊江下為李仙江者也

自西北合諸水來會康郎河出康郎村西北百餘里  
邊界大山有二溪出山合東南

流二溪自西南合而東北來會東至村西南折東南  
流合西來一水又南有蠻河自西南合二溪東北來  
會又東南折而東流合北來一水又東南又南經巨  
百六十里入瀾滄江此水源流三百里

洲分復合折而東有猛賴河東北自普洱府合數水

西南流來會猛賴河出鎮沅府南境山兩源一南流  
一西南流合而南百里有關馬河自東

北合二溪西南流又合南一水來會又西南流有暖  
裡村河西北自威遠土州東南山南流來會又南流

曰暖裡河有鐵廠河東自西薩村東南北來折而西合北二水而西南流來會又西南曲曲百七十里有追粟河東北自那庫里西南流百餘里合北來之普洱河而西南流來會又西南百六十里入瀾滄江

此水源流四百餘里又東南折正南流數十里又東南流受南

北各一水又東南經車里宣尉司西北有巨洲分而東復合至司北折東南流曰九龍江又西南至橄欖壩西折東南至猛淪南境有羅梭江自東北合數水

南流來會

羅梭江上源有二一曰大開河出那庫里南山南流百里經小猛罕西又南六十里

經普藤東又東南曲曲二百里一曰龍谷河出小猛罕東北百餘里大山南流曲曲百九十里與西北來



之大開河會 既會東南流數十里有一水合二溪  
自東北來會又西南流百六十里有一水西北自猛  
養之東北大山東南流百餘里來會又西折而南經  
莽支西又南流折而西南曰羅梭江百餘里經猛淪  
東又南數十里入九龍 又東南流百里入阿瓦國  
江 此水源流七百里

界

西十五度極二十一度七分  
雲南界至此經六度曲折二千五百里

又東南

經老撾界

又東南經安南國為富良江入于海

又西

為南  
丁河

南丁河出猛準東南之分水嶺北流有西南一水來會  
東北流折而北合東來一水經猛緬長官司東北有

一水合二溪自西來會又北合西南一水又北有嶧  
堡河李歪河俱自東來注之經臘丁西又北曰猛緬  
河折西北有分水嶺一溪及永鎮關南水合而西南  
流來注之

即雲川及順寧府南境

折而西流百餘里受北來小

水一大水二又折西南流有一水東自猛回合三溪

西流來注之又南受東南一小水即猛勇東水也又

西南有虎口河自東來注之

虎口河出猛撒東南山兩源合西北流合西南

來一水折東北流有一水自東南來會又西北流  
經虎口村西有一水自東來會又西流入猛緬河又

西受北來無梁山水及南來一水又西南百里受北  
來一水及東南來之南路河又西南百里至孟定土  
府東北有南底河自東南來南滾河自南來並會又  
西流經土府城北稍西有小南朋河自北來注之又  
西有大南朋河自北合二溪來注之

南朋河源隔山  
即路江南流也折

南流入阿瓦國界

西十七度四分極二十三度六分  
在孟定西南二十里此水行曲

折七百里不知其入阿瓦後并  
入何江南丁河之西為潞江

潞江疑即禹貢黑水蒙古名哈喇烏蘇番名鄂伊爾楚

源出衛地喀薩之北二百八十里四圍大山中為平

野有巨澤曰布喀鄂模當大流沙之東南澤廣袤環

曲二百三十里

西二十五度極出地三十二度至五分

其水從西北流

出百數十里又成一澤曰額爾吉根鄂模廣百餘里

又從東北流出八十里又成一澤曰伊達鄂模廣長

百餘里從此池轉東南流百五十里為喀喇池廣百

二十里水色深黑其地即古堙望之嘉湖也從南流

出曰哈喇烏蘇又東南流曲曲百餘里受西來一水

又南有布倫爾河自南來會

布倫河在哈喇池南百五十里其東有公嘴巴

噶瑪山之哈喇河裕克山之裕克河俱西北流百餘里與西南來之說木池水合又東北流數十里入哈喇

烏蘇始東流百里有一河自北合三水及海拉池水南

流來會又東南數十里折東北流經巴楚山麓又東北

曲曲受南來二小水北來一小水凡四百餘里有布

克河自西北來會亦巨流也

沙克河源出喇薩北七百餘里之喀爾占古察

嶺南流三百餘里西合都回山之水始名沙克又東南二百五十里北受布克河水又東南流西受庫蘭

河水又東二百餘里入哈喇烏蘇布克河出自布喀山山甚高大形如野牛連峰而東為諾木璋烏巴

什山其陰水入金沙陽水入哈喇

又東北百里出衛地入哈木境折東

南流有索克占丹索河合諸水自北西南流來會

索克

占丹索河源出伊克諾木彈烏巴什嶺數水合流繞諾木彈烏巴什山麓東南流二百餘里其西南有巴

哈諾木彈烏巴什嶺及布喀山寮溪峰流出之四水來會歷兩山間入喀木地又流二百餘里入哈喇

諾莫潭高大自此連山界金沙哈喇二江而東南直抵雲南之境

既合三巨流水勢

始盛南數十里過索克薩瑪木橋

在索克宗城南八十里

又東

南折西南流始名鄂伊爾楚河又西南受西北來一

小水又折東南流曲曲受東北及西北小水各一又東

南受西南來一小水折而東流有一河自北合數水

南流至色里蘇木拖巴來會

此水長五百餘里

又東南百里

受東北來一小水又東有一河西南自折里土宗城

之敦錯池北流合數水來會

此水亦咸

又東受南來一水

又東經羅隆宗城北境受北來一水又折東南流百

里過沙布衣薩木巴橋

亦曰札木牙薩母巴橋

又數十里受北

來一小水又南流稍西曲曲二百餘里受西來水折東

流又南百里折西南流受西北來一小水又東南流

經喀所突廟西又東南百里受北來一水又西南數  
十里折東南流受西來一小水又南有教楚河自東

北來會

教楚河亦曰鄂伊楚河在匝坐里岡城西源  
出城北三百里納蘭嶺南流五百餘里至家

拉穆池入哈喇  
烏蘇長八百里

又南曲曲三百餘里受東來一小水

又折東南流經密喇隆地

亦曰米  
納隆巴

又二百餘里入怒

夷界始曰怒江又南流三百餘里入雲南界曰潞江

計自源至橫八  
度縱五度強矣

潞江自怒夷界南流入雲南麗江府

邊境

西十七度五分極二十七度三分東去北怒山  
瀾滄江入邊處百二十里在樹苗汛西百三十



里東岸南曲曲流百里受東一水又南二百數十里有大山

西東北一水又南百八十里至大山東麓

在表村西南百五十

里折而東南流

自入邊至此五百里雲南西北以此水為邊其西岸即怒夷界也故曰怒

江東岸與瀾滄相去僅百三四十里之間中則連山相接凡東流水俱入瀾滄

又百里至標

標界東南全流入雲南境

西十七度五分極二十五度九分地在雲龍洲西二

百里松牧溪源西六十里

有一水合二溪自東北來注之又東南

折南流曲曲經大塘隘東

四十里

馬面關東

六十里

又南

折東南流有一水合二溪自北來注之又西南流經

永昌府治保山縣西境稍南有蒲縹河自東南注之

即府西南七十里蒲縹站水西北流入潞江

又東南受東北一水及西來

八灣塘一水經潞江安撫司東北其西八十里即高

黎共山也

八灣塘水出高黎共山東麓東流經塘南至安撫司北而東入潞江高麗共山之西

麓即騰越州之龍川江也山南有分水嶺

又南受西來二溪合流一水又

東南有一水自東北來注之

水出府正南百九十里施甸巡檢司山西北流

八十里合東北來一水折西南流百里入潞江

又南流有迴環河合二水自

西南來注之

迴環河出鎮安東南山西流經所南而西而北又東北經所三面又東北合西

來一溪又北有邦賣河自西來會又東北流入潞江又東流四十里折正南流

曲曲百九十里有南甸河東自灣甸土州合北來永

昌府河及南來鎮康土州水西流來會南甸河上源出永昌府西

北山東南流百里合北來一水又東南合東北來一水又南流經府東有巨洲中分復合曰青華海稍南

有水自西經城南來會又東南經辰牢山西南蘆折東流數十里經落水洞又折西南流曲曲二百餘里

有姚關水自西北來會又南六十里至灣甸土州城西北又南經城西有鎮康河自南來會鎮康河上

源曰烏木龍河二源一出無梁山西北流一出其西山東北流合而北有一溪自東來會又北折而西經

鎮康土州城南而西有怕紅河自西南山北流來會又北經土州西又北百里合東南來一水又北經灣

甸土州城南西南又北與永昌府河會既合曰南甸  
河折西南流八十里入潞江此水源流五百餘里

又西南八十里受西北一小水又南折而東南受東

北一小水又西南流受東南來一小水又西流受北

來一小水又西南流入阿瓦國界

西十七度半強極  
二十三度九分地在

孟定土府西北百五十里騰越州南稍東三百餘里  
自入雲南境至此經三度半潞江在雲南行曲折

千四百里其下流入南海  
潞江之西為龍川江

龍川江番名博藏布河源有二一出薄宗城東北三百

餘里春多嶺名鴨龍河合六水西南流一源出城西

北五百餘里棟拉嶺名額楚河合十餘水東南流至

城南二水合西南流曰博藏布河經噶克部落及羅

喀卜札所屬之們布羅入雲南騰越州界為龍川江

自標標界南流入雲南邊大塘隘之西北西十七度六分極二

十五度六分東去南流經馬面關西又西南流經瓦

潞江僅五十里甸西有一水自東來會即瓦甸東山水西又南流折東

南經曲石街南有曲石河自西合西北二水來會曲石河二源一

出西北邊與標標界之滇灘關南山東南流曲曲百餘里一出關東北之明光山南流曲曲百里合而東

南有一溪自西南來會折東北又東南流經高梨共山  
流經曲石界南而東入龍川江

西麓其西岸即橄欖坡騰越州東境也又南折西而

東南又西南流復東南受東北來鎮安所西南山水

又南有猛弄水自東來注之又西南流二百里曰龍

川江有沙木龍東水自西北來注之

水出南甸宣撫司之南大山兩

源南流而合西南流百餘里經沙木龍山之東北折東南流入龍川江

又南流經龍山

宣撫司東境又西南經遮放司西南有芒市河東北

自芒市宣撫司合諸水西南流來會

芒市河二源出猛弄南流合而

西南合西北一水又西南經芒市宣撫司北又西南  
有一水自東經司南而西來會又西南有南歌朗河  
自東南來會又西經怕底寨北又西南受東一水  
入西南經遮放副宣撫司南又西南入龍川江又

西南經猛卯安撫司東有碗頂河自東來注之而西

水之南岸為阿瓦國界又西南百八十里折而西至南喜寨之

東南境漢龍關之東北境有崗碗河自北合諸水來

會南流經司西又西南合東北來一水又南合西北

來一水又南有蠻騰河自東來會又西南流有景坎  
河自東南來會又西南經此興寨北又西受西北來  
一水又西南有南瀾河自東來會又西南折而正南  
曲曲經虎踞關東境東五十里又南經南喜寨東又

東南入龍川江此水源流三百餘里又西至漢龍關北有一水西南

自天馬關外緬國界東流入合西北小水來會又西

南流入緬國界

西十八度六分極二十三度七分在漢龍關西十里天馬關東南二十里雲南

之西南極邊其東南河瓦國界其西南緬界也龍川江行九百餘里又西為檳榔江大盈江

檳郎江出騰越州西北境獠獠界山

地在古勇州之南四十里神護關之

北六十里大山東南流合東北來一水西南曲二百數十里

而大盈江東北自州城來會大盈江出騰越州北

境之半月池西南流二十里有龍嵯山水自西北來



會南流至州東北有一水自南合東南二溪北流經

城東來會折西流經城北又西南流數十里合北來

一水又南有橋頭河自東來注之又西南經南甸宣

撫司北又西南經猛送南受北來一小水又西南與

檳榔江會大盈江源流三百里既會大盈江又有一水自西北

來會於千崖宣撫司之西北司在大盈江之南檳榔江之東又西南

流有盞達河北自盞達副宣撫司南流來會盞達河兩源一

北出萬仞關與獐獐界山西南流一出其西南與緬  
國界山東流俱數十里而合又東南流折而西南經司

東南合西來一水又南流數十里入栴榔江又西南經翁冷南又西南有

囊送河西北自巨石關合二水南來注之

巨石關在萬仞關西南百

九十里又西南二百里為銅壁關雲南極西地其西緬國也又西南有臘撒河自

東來注之

河出戶撒之東北山西南流經臘撒南折西北流入栴榔江

又西南入

緬國界

西十八度二分極二十四度四分地在銅壁關之東南百十里虎踞關之北二百里栴榔江

行五百餘里

自龍川江而西邊外藏地最大者曰雅魯藏布江

即大金沙江也又西曰岡噶江即岡底斯山水

也  
池最大者曰滕格里池  
見後  
布喀池  
之西  
隔山  
在潞江源

水道提綱卷二十一